



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Enchiridion Sev Manuale Episcoporum Pro Decretis in
Visitatione, & Synodo, de quacumque re condendis.**

Gavanti, Bartolommeo

Venetiis, 1650

Legatus.

urn:nbn:de:hbz:466:1-9534

- peris. *ibidem num. 10. 16.*
 4 Item quod pupillis relinquatur. *nu. 18.*
 5 Item quod ratione studij. *ibid. num. 19.*
 6 Item quod pro constructione monumenti. *ibidem n. 20.*
 7 Legatum pro anima dicitur id, quod pro bono publico, veluti viarum, pontium, & huiusmodi, si eorundem sit necessitas. *ibid. num. 21.*
 8 Pro executione Legatorum, si à testatore non præfinitur tempus, datur annus in profanis, & Episcopo item, vt cogat hæredes ad solutionem. *ibidem num. 27. 28.*
 9 Legatum pium omnino intra sex menses adimplendum est. *ibid. num. 28.*
 10 A die hæreditatis aditæ. *ibid. num. 29.*
 11 In legatis pijs à tempore insinuationis testamenti, seu publicationis. *ibidem.*
 12 Vna monitio, vel bina sufficit facta heredi, vel personaliter, vel per nuncium, seu epistolam, & in generali. *DD. ibid. num. 35. 36. 37.*
 13 Et tenetur Episcopus de præcepto exequi mandata testatorum. *ibid. num. 40.*
 14 Neque potest excludi Episcopus à testatore in hac executione. *ibidem nu. 41.*
 15 Deuoluta executione legati pro electione pupillorum, seu pauperum, quibus est aliquid distribuendum, etiam electio deuoluitur ad Episcopum, *num. 45.*

Legatus.

- 1 Legatus à latere potest conferre beneficia, & prouisus à Legato præteritur prouiso ab Episcopo. *Nald. Legatus num. 3.*
 2 Dispensat in omni voto, in quo Episcopus. *idem num. 6.*
 3 Dispensat in defectu ætatis in parochialibus. *idem ibid.*
 4 Potest conferre Dignitates post primam in Cathedrali. *idem num. 7.*
 5 Potest audire confessiones, & alijs hoc munus delegare, etiam Regularibus. *idem num. 8. in sua nimirum Prouincia.*
 6 Potest absolvere à casibus reseruatis Episcopo. *idem ibid.*
 7 Non tamen à censuris per sententiam latis. *idem ibid.*

- 8 Potest committere absolutionem à reseruatis Episcopo, non simpliciter, sed quando occurrunt casus. *ibid. num. 9.*
 9 Alia potest, prout in litteris ei datis à Papa.

ADDITIO.

Legato præsentem in Ciuitate, Episcopus non potest vti Mozetta, neque Rochetto discooperto, nec benedicere populo; sed intra Ecclesiam, eo absente, vel annuente, potest benedicere *congr. Rit. 2. Octob. 1601.*

Libri prohibiti.

- 1 Index librorum prohibitorum habeatur apud impressores, bibliopolas, & personas Ecclesiasticas. *Prou. 1.*
 2 Et apud eos, qui numerosam librorum suppellestem habent. *Prouinc. 5.*
 3 Iudices tamen, & Syllabi omnes particulares extra Urbem editi, sine auctoritate S. Congreg. Indicis, sunt prohibiti. *Congreg. Ind. 16. Martij 1621.*
 4 Catalogus librorum in partibus impressorum, qui aut sunt prohibiti, aut expurgandi, transmittatur ab Episcopis ad sedem Apostolicam. *in Ind. §. 4. Clem. VIII.*
 5 Liberum sit Episcopis, aut Inquisitoribus generalibus, eos etiam libros prohibere, quos in suis Diocæsisibus expedite iudicauerint. *in Ind. reg. 10.*
 6 Libri Thalmudici, Cabalistici; alijque nefarij hebræorum libri omnino damnantur. *Clem. VIII. in Indice Librorum &c.*
 7 Liber Magazor prohibetur, præterquam scriptus hebraica lingua. *ibid.*
 8 Hæresiarcharum libri cuiuscumq; nominis, tituli, aut argumenti omnino prohibentur. *Pius IV. in Ind. reg. 2.*
 9 Item hæreticorum libri, qui de religione ex professo tractant. *ibid.*
 10 Libri, qui res lasciuas, seu obscenas ex professo tractant, narrant, docent, omnino prohibentur. *ibid. reg. 7.*
 11 Libri omnes, & scripti Geomantiæ, Hydromantiæ, Aeromantiæ, Pyromantiæ, Onomantiæ, Chiromantiæ, Necromantiæ, siue in quibus continentur